

**NJOFTIM  
PËR MBLEDHJEN E ASAMBLESË SË PËRGJITHSHME  
TË AKSIONERËVE TË "BANKA CREDINS" SH.A.**

Për: Z/Znj. \_\_\_\_\_ (Aksionar/Përfaqesues/e i/eAksionarit \_\_\_\_\_)

Ju njoftojmë se ditën e enjte datë 12 shkurt 2026 ora 11:00 në ambientet e " BANKA CREDINS" SH.A., në adresën Rr. "Vaso Pasha" Nr. 8, Tiranë, do të zhvillohet mbledhja e Asamblesë së Përgjithshme të Aksionarëve të "BANKA CREDINS" SH.A me rend dite si më poshtë:

1. Informacion mbi nevojat për kapital të Banka Credins sh.a përgjatë vitit 2026.
2. Mbi miratimin e emetimit të ri të obligacioneve afatgjatë të konvertueshme në aksione të zakonshme të Bankës Credins sh.a.
3. Mbi miratimin e transferimit nëpërmjet shitjes së pasurive të paluajtshme të regjistruara në emër të shoqërive Komandite SIK "Sea Land Alternative Investment Fund" dhe "Green View Alternative Investment Fund".
4. Autorizohet Drejtori i Përgjithshëm i Banka Credins sh.a. të përfaqesojë interesin më të mirë të Bankës në këtë transaksion, duke patur të drejtën për të përcaktuar përmbajtjen e transaksionit dhe/ose kontratës përkatëse dhe formës së saj, çmimit dhe mënyrës së aplikimit dhe përmbushjes, si dhe çdo detaj apo kusht tjetër të rastit, të përgjithshëm apo të diktuar nga nevojat e faktit apo ligjit, si dhe të ndërmarrë të gjitha hapat dhe procedurat e nevojshme ligjore (përfshirë caktimin e konsulentëve ligjorë), administrative dhe operacionale, përfshirë negocimin me palën blerëse dhe eventualisht nënshkrimin e kontratës/kontratave të shitjes së pasurive të paluajtshme, dhe çdo dokument tjetër të nevojshëm në funksion të këtij transaksioni.
5. Mbi miratimin e vendimmarrjeve në mbledhjet e Asamblesë së Përgjithshme të Ortakëve të shoqërisë "Green View Alternative Investment Fund", shoqëri komandite SIK, dhe të shoqërisë "Sea Land Alternative Investment Fund, gjatë periudhës Prill – Dhjetor 2025.
6. Mbi saktësimin e Vendimit të Asamblesë së Përgjithshme të Aksionarëve të Banka Credins sh.a nr. 6/2, datë 06.11.2025, lidhur me miratimin për financimin sipas kushteve paraprake të ofruara nga ResponsAbiltiy AG.
7. Mbi dhënien e miratimit lidhur me përfaqësimin e Bankës Credins nga z. Maltin Korkuti në mbledhjen e Asamblesë së Përgjithshme të Jashtëzakonshme të Aksionarëve të Shoqërisë Credins Invest sh.a., Shoqëri Administruese e Fondeve të Pensionit dhe Sipërmarrjeve të Investimeve Kolektive që do të zhvillohet me rend dite si më poshtë:
  - 1) Mbi miratimin e riemërimit të anëtarit të Këshillit të Administrimit të Shoqërisë "Credins Invest" sh.a., Shoqëri Administruese e Fondeve, për periudhën 3-vjeçare nga data 22.01.2026 deri në datën 22.01.2029.
8. Ngarkohet Drejtoria të bëjë njoftimet dhe regjistrimet përkatëse në përputhje me Ligjin.

Jeni të lutur të paraqiteni. Ju Faleminderit

**Maltin KORKUTI  
DREJTOR I PËRGJITHSHËM**Tiranë me 22.01.2026  
NUIS K316088010  
Swift CDISALTR

Sqarojmë se:

Referuar Statutit të shoqërisë dhe Ligjit Nr.9901, datë 14.04.2008, «Për Tregtarët dhe Shoqëritë Tregtare» Aksionerët kanë këto të drejta dhe detyrime:

- Aksionarët, të cilët zotërojnë aksione, që përfaqësojnë të paktën 5 për qind të kapitalit të regjistruar të shoqërisë ose një përqindje më të vogël, të parashikuar në statut, mund t'u drejtojnë administratorëve një kërkesë me shkrim, përfshirë komunikimin me postë elektronike, për të thirrur asamblenë e përgjithshme dhe/ose, jo më vonë se 8 ditë përpara datës së mbledhjes së asamblesë, të kërkojnë përfshirjen e çështjeve të caktuara në rend të ditës. Në kërkesë duhet të jepen arsyet dhe objektivat, si edhe çështjet për të cilat duhet të marrë vendime asambleja e përgjithshme. Nëse kërkesa nuk është pranuar, këta ortakë kanë të drejtë të thërrasin asamblenë e përgjithshme e të vendosin çështje në rendin e ditës, në përputhje me pikën 1 të nenit 137 të ligjit Nr.9901, datë 14.04.2008, «Për Tregtarët dhe Shoqëritë Tregtare»

- Nëse asambleja e përgjithshme, në kundërshtim me sa më sipër, nuk thirret, ose çështja e kërkuar prej këtyre nuk përfshihet në rendin e ditës, secili prej aksionarëve, që kanë bërë kërkesën, ka të drejtë:

a) të ngrejë padi në gjykatë për të deklaruar shkeljen e detyrimit të besnikërisë, nëse organet drejtuese nuk përmbushin kërkesat e tyre brenda 15 ditëve;

b) t'i kërkojnë shoqërisë blerjen e aksioneve të zotëruara prej tyre, sipas nenit 133 të ligjit Nr.9901, datë 14.04.2008, «Për Tregtarët dhe Shoqëritë Tregtare».

- Në rastet kur rendi i ditës ndryshohet, dhe thirrja u është njoftuar ortakëve, administratorët njoftojnë përsëri rendin e ditës, në të njëjtat mënyra, me të cilat është kryer njoftimi i parë.

- Një aksionar mund të përfaqësohet në asamblenë e përgjithshme, në bazë të një prokure nga një aksionar tjetër, apo nga një person i tretë.

- Administratorët dhe anëtarët e këshillit mbikëqyrës nuk mund të veprojnë si përfaqësues të aksionarëve në asamblenë e përgjithshme.

- Prokura, mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

- Përfaqësuesi i autorizuar është i detyruar të deklarojë çdo fakt apo rrethanë, të tillë që, sipas gjykimit të aksionarit të përfaqësuar, rrezikon të ndikojë në vendimmarrjen e përfaqësuesit për interesa të tjerë të ndryshëm nga ata të aksionarit përfaqësuar.

- Asambleja merr vendimet nëpërmjet votimit të hapur.

- Për emërimin dhe shkarkimin e anëtarëve të këshillit mbikëqyrës apo administratorëve, asambleja e përgjithshme vendos me votim të fshehtë, nëse kjo mënyrë votimi kërkohet nga aksionarët, të cilët zotërojnë një numër aksionesh, që përfaqësojnë të paktën 5 për qind të kapitalit të regjistruar të shoqërisë.

- Kopje të dokumentave dhe projekt-vendimeve bashkëlidhur me këtë njoftim do të gjeni edhe pranë Selisë së shoqërisë, nëpërmjet një kërkesë me shkrim të depozituar pranë shoqërisë "Credins Bank" sh.a.